

# GRENDELTYD LES: Waar alles begin het

## 1. YSBREKER:

As julle klei in die huis het, laat elke lid van die gesin iets uit klei maak. Deel papiertjies uit waarop jy van die volgende skryf: olifant, boom, blom, vis, maan en sterre, son, man, vrou ens., dit wat jy trek moet jy uit klei uit maak.

Indien julle NIE klei in die huis het nie kan elkeen dit teken wat hulle getrek het.

## 2. IN DIE BEGIN:

Wie kan raai waarom ons vanaand gaan gesels? Die skepping! Elkeen het nou iets uit die skepping uit klei gemaak, met julle hande. Kom ons kyk HOE God geskep het, en WAT Hy geskep het.

- **Sit AL die ligte in die huis af....**
- Gen 1:1-3 “In die begin het God die hemel en die aarde geskep. Die aarde was heeltemal onbewoonbaar, dit was donker op die water, maar die Gees van God het oor die waters gesweef. Toe het God gesê: “Laat daar lig wees!” En daar was lig....”
- **Sit die ligte aan**
- So het God dan begin met die skepping. Hy het elke dag iets gemaak, daarna gekyk en gesê dat dit goed was.

## GROEPWERK KOMPETISIE: Die Skepping

Afhangende van hoe groot die gesin is, deel julle in pare op, elke paar kry 'n stel prente met wat op die verskillende dae van die skepping gemaak is, julle moet lees wat God gemaak het, en dan so vinnig soos julle kan dit teen die muur onder die verskillende dae plak. Moenie net agter ander pare aan plak nie, maak seker wat hoort waar – die ander pare mag verkeerd wees. Gebruik Gen 1 hiervoor.

## GROEPWERK VRAE: Die Skepping

Die skepping is een van die wonderlikste dele in die Bybel om te lees, maar ook seker een van die wat ons die maklikste ‘skiep’. Gebruik die vrae oor die skepping om saam as gesin meer oor die skepping te leer.

## 3. EN TOE IS DIT NIE MEER GOED NIE

YouTube video: <https://youtu.be/jKdb64RiLVE> (3:30min)

In die video het ons gehoor dat God 'n plan gehad het om vir Adam en Evan (die mens) te red. Kom ons kyk gou wat hierdie plan was....

**Hiervoor gaan jy' 'n boks gebruik wat mooi oorgetrek is, met 'n deksel wat kan afhaal. Binne in die boks is 'n klomp gemors, en dan ook 'n kruis.**

Kyk hoe mooi is hierdie boks, dit laat ons amper dink aan hoe mooi die Tuin van Eden moes gewees het.

Ons het nou gehoor dat die oomblik toe Adam en Eva van die vrug van die boom in die middel van die tuin eet, hulle albei se oë oopgegaan het....(haal die deksel van die boks af en begin die gemors uit die boks uithaal – soos jy dit uithaal noem jy dit ..... walglik, aaklig, gross, yucky, gemors, al die woorde wat sonde beskryf). Die oomblik toe Adam en Eva ongehoorsaam aan God was, het sonde in die wêreld ingekom.

Hulle oë het wel oopgegaan soos die satan gesê het, maar dit was nie vir die mooi en die goeie goed nie, maar vir dood en vernietiging.

God was kwaad en hartseer oor wat die mens gedoen het, en het hulle uit die Tuin van Eden gesit, want daar was nog 'n boom in die Tuin met die naam "Boom van die Lewe". God wou nie hê dat hulle van hierdie boom moes eet nie, want dan sou hulle vir altyd in sonde gebly het. Daarom het Hy hulle uit die Tuin van Eden gesit en die tuin deur gerubs (engele) met vlamme swaarde wat heen en weer beweeg laat bewaak.

## **Sonde het gevolge:**

Daar is nou 'n sonde probleem (wys die gemors in die boks), en daarvoor is daar gevolge, want daar is ALTYD gevolge vir sonde.

**Groepwerk:** Lees gou as gesin Gen 3:14-19 en kyk wat die gevolge vir die mens en ook vir satan was!! Ja, glo dit as jy wil, wat satan gedoen het, het ook gevolge vir HOM gehad!!!

## **Die Reddings plan:**

So WAT beteken dit? Wat is die plan?

God het in Gen 3:14; 16-19 nie net vir die mens en satan vertel wat hulle straf sou wees nie, maar ook dat Hy 'n plan sou maak om satan se mag oor die mens, wat die mens in die Tuin van Eden weggegee het, vir die mens terug te gee.

In Gen 3:15 sê God vir die slang dat hy die vrou se seun in die haakskeen sou byt.... maar dat die vrou se seun die slang se kop sou vermorsel.

WIE is die Seun van die vrou waarvan God hier praat? (haal die kruis uit die boks uit). Die Seun is Jesus wat gekruisig sou word. En Jesus sou die satan se kop vermosel wanneer Hy aan die kruis hang, en na drie dae opstaan uit die dood, want Hy sou vir altyd die mag van die dood oorwin, wat in die Tuin van Eden weggegee was.

## **Wat beteken dit vir my en jou?**

Ek en jy is vol sonde gebore, maar ons hoef nie so te bly nie, want God het 'n Reddings Plan vir ons gemaak. As ons Jesus Christus in ons harte en lewens innooi, dan hoef ons nie vir 'n ewigheid saam met satan in die hel te wees nie.

Soos Adam en Eva 'n keuse in die Tuin van Eden gehad het om van die boom te eet of nie, so het jy ook die KEUSE om jou lewe vir Jesus te gee of nie. Onthou net dat soos daar 'n gevolg vir die sonde in die Tuin van Eden was, so is daar ook 'n gevolg vir JOU as jy nie jou lewe vir Jesus gee nie!!

Jy kan kies om die vuil gemors in die boks te hou, jou lewe so te leef, en die gevolge van jou sondes te dra (sit die vuil goed in die boks). Of jy kan kies om die gemors uit die boks te haal, jou lewe vir Jesus te gee (haal die gemors uit die boks en sit die kruis in die boks) en nie self die straf vir jou sondes te dra nie, want Jesus het dit klaar vir jou aan die kruis gedoen.

Hierdie is 'n keuse wat NET jy kan doen. God, en ons dwing NOOIT hierdie keuse op jou af nie, onthou net wat die gevolg van hierdie vrye keuse vir Adam en Eva was, en vir ons tot vandag toe.

As daar van julle is wat julle lewens vir Jesus wil gee, bly na die tyd by jou leier agter en hulle sal jou na Jesus toe lei.

#### **4. SLUIT AF MET GEBED**

## GROEPWERK KOMPETISIE: Die Skepping



Lig  
en  
Donker



Wolke  
en  
Oseane



Son  
Maan  
en  
Sterre



Land  
Plante  
en  
Bome



Visse  
en  
Voëls



Die Mens  
en  
Diere



God  
het  
Gerus

## Groepwerk vrae: Die Skepping

Vul die ontbrekende woorde in.

1. God het die aarde met alles daarop gemaak deur te \_\_\_\_\_ (Gen 1:3).
2. God het die aarde met alles daarop in \_\_\_\_\_ dae gemaak (Gen 1:31).
3. Nadat God alles gemaak het, het Hy op die \_\_\_\_\_ dag \_\_\_\_\_ (Gen 2:2).
4. Nadat God alles gemaak het, het Hy gesê dit was \_\_\_\_\_ (Gen 1:31).
5. God het die mens uit die \_\_\_\_\_ van die aarde gemaak en \_\_\_\_\_ in sy neus geblaas (Gen 2:7).
6. God het die vrou uit die \_\_\_\_\_ van die \_\_\_\_\_ gemaak (Gen 2:21-22).

## Groepwerk vrae: Die Skepping

Vul die ontbrekende woorde in.

1. God het die aarde met alles daarop gemaak deur te \_\_\_\_\_ (Gen 1:3).
2. God het die aarde met alles daarop in \_\_\_\_\_ dae gemaak (Gen 1:31).
3. Nadat God alles gemaak het, het Hy op die \_\_\_\_\_ dag \_\_\_\_\_ (Gen 2:2).
4. Nadat God alles gemaak het, het Hy gesê dit was \_\_\_\_\_ (Gen 1:31).
5. God het die mens uit die \_\_\_\_\_ van die aarde gemaak en \_\_\_\_\_ in sy neus geblaas (Gen 2:7).
6. God het die vrou uit die \_\_\_\_\_ van die \_\_\_\_\_ gemaak (Gen 2:21-22).

### Antwoorde:

1. Praat
2. Ses
3. Sewende / gerus
4. goed
5. stof / lewensasem
6. Ribbebeen / mens